

易

林

註

易林卷第十二

三三坤下萃
三三兌上

蒙慶受福有所獲得不利出城病人

困棘

無註

之乾

碩鼠四足飛不上屋顏氏淵德未有

爵祿

無註

坤

新受大喜福履重職樂且日富

無註

屯

剋身整已逢禹巡狩錫我玄珪拜受
福祉

書禹貢云禹錫玄圭告厥成功言

水土既平禹以玄圭爲執贄而告成
功于舜也水色黑故圭以玄云

蒙

置筐失筮輪破無輔家伯爲政病我

下土

家伯周幽王臣詩十月之交四章
云家伯爲宰又云豔妻煽方處言
由小人用事於外嬖妾蠱惑於內

需

機言不發頑不能達齊魯爲仇亡我
葵丘

按春秋僖公九年諸侯盟于葵丘
曰凡我同盟之人既盟之後言歸
于好二十六年齊人侵魯西鄙魯
以楚師伐齊取穀竟亡葵丘之好

訟

亡錐失斧公輸無輔抱其鼻器適君
子處

公輸子名班魯之巧人也

師

家在海隅撓短深流伯氏難行無目
以趨

無註

比

德施流行利之四鄉雨師灑道風伯
逐殃巡狩封禪以告成功

巡狩天子巡行諸侯所守之地封
禪封土爲壇除地爲禪古者帝王
之興每易位而起必封乎泰山所
以告成功也

小畜

筐傾筥覆喪我公粒簡伯無禮太師

正食

未詳

履

泥滓汙辱弃捐溝瀆為眾所笑終不

顯祿

無註

泰

獼猴兔走腥臊少肉漏卮承酒利無

所得

無註

否

鹿畏人 人藏俱入深谷 命短不長爲虎
所得死於牙腹

無註

同人

南山蘭芝君子所有東家淑女生我

玉寶

蘭香草芝靈草也

大有

左指右揮邪佞侈靡執節無良靈君
以亡

按左傳陳靈公通于夏姬遂爲徵
舒所害

謙

鬱快不明爲濕所傷衆陰群聚共奪

日光

無註

豫

穿鼻繫棘爲虎所拘王母祝福禍不成災突然脫來

無註

隨

貧鬼守門日破我盆毀甕傷缸空虛
無子

無註

虫盪

襄王束帶鄭人是賴莊公卿士皇母
憂苦

束當作叔襄王周惠王太子名鄭
叔帶襄王之弟惠后之子有寵於

惠后欲立叔帶故襄王避其難出
居于鄭莊公爲王卿士皇母即惠
后也

臨

昭君死國諸夏蒙德異類旣同宗我
王室

無註

觀

冬、藪枯腐常風於道蒙被塵埃左右
勞苦

無註

噬嗑

六爻既立神明喜告文定吉祥康叔
受福

按史康叔名封周武王同母少弟
也周公誅武庚以殷餘民封康叔

於衛作康誥酒誥梓材以命之康
叔之國民大說成王用事舉康叔
爲周司寇賜衛寶祭器

賁

泣涕長訣我心不快遠送衛野歸寧
無子

詩燕燕篇云之子于歸遠送于野
瞻望弗及泣涕如雨傳云衛莊姜

送戴媯歸于陳而作也

剥

三宿無主南行勞苦東里失利喪其

珍寶

無註

復

大斧破木讒佞敗國東閭梁王禍及
三子晉人亂危懷公出走

按春秋傳晉獻公三子申生重耳
夷吾也獻公聽驪姬之讒殺申生
重耳奔蒲夷吾奔屈懷公夷吾子
也僖公二十三年自秦逃歸嗣立
明年文公立遂出之

無妄

乘風上天為時服軒周旋萬里無有
患難

無註

大畜

大樹百根北與山連文君作人受福
萬年

詩云周王壽考遐不作人又曰豈
弟君子遐不作人蓋言文王能變
化鼓舞振作天下之人而人歸之
故受此萬年之福也

頤

陽伏在下陰制祐福生不逢時潛龍

隱處

無註

大過

亂頭多憂搔虱生愁膳夫仲尹使我
無聊

詩十月之交云仲允膳夫膳夫上

士掌王之飲食膳饗者也

坎

江河淮海天之都市商人受福國家
富有

無註

離

太山幽谷鳳皇遊宿威儀有叙可以
來福

泰山五嶽之東嶽也五經通義一
名岱宗王者受命易姓報功告成
必於岱宗也東方萬物始交代之
處

咸

山水暴怒壞梁折柱稽難行旅留連
愁苦

無註

恒

阿衡服箱太一載行巡時歷舍所之
吉昌

阿衡伊尹號太一星名

遯

三宿無主南行勞苦東里失利喪其
珍寶

無註

大壯

生無父母出門不喜買菽失粟亡我
大乘

無註

晉

安坐玉堂聽樂行觴飲福萬歲日受
無疆一云安坐北堂終夕舉觴福祿
卒歲日受無疆

無註

明夷

登危入厄四時變易春霜變雪物比日凋落

無註

家人

衣穴履穿無以禦寒細小貧窶不能自存

無註

睽

目不可合憂來搔足悚惕恐懼去其

邦域

無註

蹇

齋貝贖狸不聽我辭繫於虎鬚牽不
得來

無註

解

伯夷叔齊貞廉之師以德防患憂禍
不存聲芳後時

武王伐紂伯夷叔齊扣馬而諫其
後武王得天下不食周粟而死孔
子曰伯夷叔齊餓於首陽之下民
到于今稱之

損

張王子季爭財相制商君頑噐不知
所申

衛鞅說秦孝公變法令立徙木之
信孝公大說封鞅商於十五邑號
曰商君心不則德義之經爲頑口
不道忠信之言爲噐

益

長城既立四夷賓服交和結好昭君受福

史記秦始皇遣蒙恬北監軍於上郡築長城以遏胡虜而四海混一

夫

千懽萬悅舉事爲決獲受嘉慶動作有得

無註

遘

種一得十日益有息仁政獲民四國

睦親

無註

升

安子富有東國不殃齊鄭和親顯比

以喜

無註

困

九里十山道仰峻難牛馬不前復反
來還

無註

井

鳩杖扶老衣食百口增添壽考凶惡
不起一云鳩杖扶身富及其鄰子孫
壽考慶吊不親

老人食多咽故刻杖爲鳩取鳩食
不咽之義出白帖

革

霧露雪霜日暗不明陰孽爲疾年穀
大傷一云不見日月霧臨霜雪年穀
不登餼糧日絕

無註

鼎

迷行數邪不知東西陰強暴逆道理
不通

無註

震

登高上山見王自言信理我冤得職

蒙恩

無註

艮

三世爲德天祚以國封建少昊魯侯
之福

無註

漸

橋木無息漢女難得橋抽請佩反手
難悔

橋當作喬詩漢廣南有喬木不可
休息漢有游女不可求思言文王

之化被于南國有以變其淫亂之
俗女子以端莊自守故詩人美之

歸妹

東鄰西家來即我謀中告吉誠使君

安寧

無註

豐

褰衣出户心欲北走王孫母驚使我

長生

無註

旅

三日不飲遠水無酒晝夜焦喉傷鬼

爲咎

無註

巽

衆口銷金愆言不驗腐臭敗兔入市

不售

無註

允

娼冠應門與伯爭言東家失狗意我
不存爭亂忘因絕其所權

無註

渙

祚加明德興我周國公劉文母福流

子孫一云祚周福魯

公劉后稷之曾孫太王公劉之九
世孫公劉雖在戎狄之間復修后
稷之業百姓懷之周道之興實自
此始

節

針頭刺手百病瘳愈抑按捫灸死人
復起

捫音門炎音久

中孚

元龜象齒大賂爲寶稽疑當否衰微
復起

詩泮水篇元龜象齒大賂南金

小過

故室舊廬消散無餘不如新創可以
樂居

無註

既濟

老狐多態行爲盡怪驚我主母終無
咎悔

狐妖獸也

未濟

愛子多才起跡空虛避害如神水不
能濡

無註

䷁ 巽下坤上
升

禹鑿龍門通利水泉東注滄海民得
安全

龍門按書禹貢屬雍州在今馮翊
夏陽縣以下皆言禹治水之功

之乾

白鹿鳴呦呼其老小喜彼茂草樂我

君子

詩小雅呦呦鹿鳴食野之萍又云
以燕樂嘉賓之心

坤

百里南行雖微得明去虞適秦為穆
國卿

百里奚虞人也知虞之將亡遂去
適秦相穆公遂霸西戎

屯

王宜孫喜張名益有龍子善行西得
大壽

未詳

蒙

畫龍頭頸文章不成所求不得失利

後時

無註

需

商子無良相怨一方引剛交爭咎自
以當

無註

訟

衰老困極無齒不食痔病瘡瘵就陰
爲室

無註

小畜

牛驥同槽郭氏以亡國破爲虛君奔
走逃

按胡傳莊公二十四年齊桓公問
郭父老曰郭何以亡父老曰見善
而不能舉惡惡而不能去所以亡

比

安平不傾載福長生君子以寧

無註

師

鳶生會稽稍巨能飛翱翔桂林爲衆
鳥雄

會稽桂林皆地名

履

日中明德盛興兩國仁聖會遇君受
其福臣多榮祿

無註

泰

公劉之居太王所業可以長生拜受
福爵

公劉后稷之曾孫太王公劉九世
孫公劉雖在戎狄之間復修后稷
之業百姓懷之周道之興實自此
始至太王復修后稷公劉之業積

德行義國人皆戴之

否

時凋歲霜君子疾病宗女無辜鄭受其殃

未詳

同人

濟河踰阨脫母怵惕四叔爲衛使惠不廢

漢高祖屢欲易太子呂后患之強
要張良畫計良曰帝所不能至者
四人夏黃公東園公綺里季角里
先生卑辭厚禮聘之來則使從太
子入侍此一助也高后從其謀由
是得不廢後立爲惠帝

大有

缺破不完殘瘵側偏公孫幽遏跂踦

後門

無註

謙

延頸遠望昧為目病不見叔姬使伯

憂心

無註

豫

上無飛鳥下無走獸擾亂未清民勞

於事

無註

隨

久陰霖雨塗行泥潦商人休止布空

無有

布當作市

蠱

盲者張目跛躄起行瞻望日月與王

相迎

無註

臨

據斗運樞高步六虛權既在手象宇
可驅國大無憂與樂並居

斗北斗星名北極五星其紐天之
樞也

觀

稼穡不偏重過不傾巧言賊忠傷我
申生

春秋晉獻公嬖驪姬驪姬欲立其
子奚齊諸毀群公子及世子申生

噬嗑

金城鐵郭上下同力政平民親寇不
敢賊

無註

賁

目鏡不明冬災大傷盜華失實十年
消亡

未詳

剝

鰥寡孤獨命祿苦薄入室無妻武子
悲哀

按春秋曾襄公二十五年崔武子

欲娶棠姜筮之其繇曰入其宮不
見其妻凶

復

飲酒醉飽跳起爭鬪伯喪叔僵東家

治喪

無註

無妄

介紹微子使君不殆二國合懽燕齊

以安

史記蘇秦說燕易王曰臣居燕不能使燕重而在齊則燕重易王許之乃偽得罪於燕而奔齊齊宣王以為客卿蘇秦說齊王高宮室大苑囿以明得意欲以敵齊而為燕

大畜

牽牛繫尾詘折幾死雕世無仁不知

所在

無註

頤

東龍冤獨不知所觸南北困窮王子

危急

無註

大過

疾貧王孫北陸無禪祿命苦薄兩事

孤門

無註

坎

公孫駕醜載遊東齊延陵說產遺季

苧衣

醜當作驪左傳鄭大夫子產吳公
子季札嘗聘鄭與子產相得子產
以紵衣獻季札

离

王良善御伯樂知馬文王東獵獲喜
聖事開福祐賢周發興起

王良古之善御者伯樂古之善相
馬者此喻文王知太公之意按史
呂望姓姜年八十餘釣于渭水西
伯出獵載之以歸尊為太公武王
立為師遂伐紂有天下發武王名

咸

日月不居重耳趨舍遊燕入秦晉國
是霸

重耳晉文公名以驪姬之讒初奔
翟後入秦在外十九年僖公二十
四年入晉是爲文公遂霸諸侯

恒

假文翰翼隨風偕北至虞夏國興愛

相得年歲大樂邑無盜賊

虞舜帝國號夏大禹國號

遯

南行無遯延頸後食舉止失利累爲
我孫

無註

大壯

開元作喜建造利事平準化負寶海內

殷富

無註

晉

三犬俱走鬪於谷口白鸞不勝死於

阪下

無註

明夷

驕胡大彤造惡作凶無所能成還自

減身

一作驕胡犬形義通

家人

拜跪贊辭無益於尤大夫頑囂使我
生憂

無註

睽

辰以降婁王駕巡狩廣祐施惠萬國

咸喜

降婁宿名成分廵狩天子廵行諸侯所守之地也

蹇

牽踰上樓與福俱居勞躬治國安樂無憂

踰音俞牡羊左傳專之踰註羨也

解

白鳥銜餌鳴呼其子挾施張翅來從
其母

無註

損

盲瞽獨宿莫與共食老窮於人病在
心腹

無註

益

登木出淵稍上升天明德孔聖白日

載榮

無註

夬

彭离濟東遷廢上庸佞戾無節失其
寵功

彭越從漢屢立大功封梁王及陳
豨反於代徵兵梁王梁王稱病不

往高帝怒使人讓之梁王恐欲自
往謝其將扈輒止之勸王反梁王不
聽遂爲太僕所告漢帝使使掩捕
梁王囚之後赦處蜀

遘

讚陽上舞神明生氣拜禹受福君施
我德

無註

萃

從首至足部分爲六室家離散逐南
乞食

無註

困

民迷失道亂我統紀空使乾革實無
所有

無註

井

刻畫爲飾嫫母無鹽毛嫫西施求事
必得

嫫母無鹽婦人貌之醜惡者毛嫫
即西施貌之美好者

革

居諸日月御暗不明長夜喪中絕其
紀綱

詩日月篇日居月諸照臨下土

鼎

衣裳顛倒爲王來呼成就東國封受

大休

齊詩云顛倒衣裳又云自公召之

震

當變立權摘解患難渙然冰釋六國

以寧

無註

艮

西戎獯鬻病於我國扶陝之岐以保
乾德

獯鬻狄人名周太王避狄人之難
遷于岐山之下居焉

漸

南行逐羊予利喜亡陰孽爲病復反

其邦

無註

歸妹

游戲仁德日益有福凶言不至妖孽
滅息

無註

豐

春日新婚就陽曰溫喜樂萬歲獲福

有年一云獲福大椿

無註

旅

陰升陽伏舜失其室相飾不食安巢

如棘

無註

巽

臣尊主卑威權日衰侵奪無光三家

逐公

春秋昭公二十五年九月戊戌伐
季氏叔孫氏孟氏救之三家反攻
公巳亥公遜于齊次于陽州

兗

反言爲殘戎女生患亂吾家國父子
相賊

春秋左傳晉獻公嬖驪姬驪姬欲

立其子奚齊賂外嬖梁五東關嬖
五譖毀群公子及世子申生

渙

迎福開戶喜隨我後康伯愷悌治民
以禮

康伯即康侯之義周易晉卦曰康
侯用錫馬蕃庶註云康侯者治安
之侯也

節

日就月將昭明有功靈臺歡賞膠鼓
作人

靈臺文王臺名古者天子有靈臺
所以觀祲象望雲物

中孚

百草嘉卉萌芽將出昆蟲扶戶陽明
得所

無註

小過

天所祐助萬國日有福至禍去壽命
長久

無註

既濟

窮夫失居惟守弊廬初夏中懼惟日
兢兢無悔無虞

無註

未濟

買玉得石失其所欲荷蕢擊磬隱世
無聲

語云子擊磬於衛有荷蕢而過孔
氏之門者曰有心哉擊磬乎荷蕢
隱士也

三三坎下
兌上困

席多針刺不可以卧動而有悔言行
俱過

無註

之乾

烏鵲食穀張口受哺蒙被恩德長大
成就柔順利貞君臣合好

無註

坤

六鷁退飛爲襄敗祥陳師合戰右股
夷傷遂以薨崩霸功不終

春秋僖公十六年正月六鷁退飛
過宋都二十二年十一月宋公及
楚人戰于泓宋師敗績公傷股二
十三年五月公卒傷於泓故也

屯

匍匐出走驚惶悼恐白虎王孫蓐叔

在後居中無咎

無註

蒙

庇廬不明使孔德妨女孽亂國虐政

傷仁

孔子爲政於魯齊人聞之懼饋女
樂以沮之季桓子受之不聽政

需

石鼠四足不能上屋顏氏淑德未有

爵祿

無註

訟

襄送季女至于蕩道齊子曰夕久留
連處

季女齊子齊襄公妹魯桓公夫人
也桓公十八年公與夫人姜氏如

齊詩云魯道有蕩齊子庸止

師

麋鹿逐牧飽歸其居還反次舍樂得

自如

無註

比

望尚阿衡太宰周公藩屏湯武立爲
侯王

望太公呂尚也阿衡伊尹也太宰
官名周公爲太宰

小畜

開廓洪緒王迹所基報以八子功得
俟時

春秋定公四年傳云武王之母弟
八人周公爲太宰康叔爲司寇聃
季爲司空五叔無官五叔即管蔡

成霍毛也周定鼎郊廓卜年七百
卜世三十

履

八會大都饒富有餘安民利國可以

長居

無註

泰

陰雲四方日在中央人雖昏霧我獨

昭明

無註

否

薄爲災
虐風吹雲却欲上
不得復歸

其宅

無註

同人

昭昭略略非忠信
客言語反覆以黑

爲白

無註

大有

三女爲姦俱游高園北背室夜行與伯
笑言禍及乃身寃死誰禱

無註

謙

涉尸留鬼大斧所視文昌司過簡公

亂死

按春秋魯哀公十四年齊陳恒執簡公于舒州遂死焉

豫

大足長股利出行道困倉充盈踈齒
善市宜錢富家事得萬倍

無註

隨

筐筥錡釜可活百口伊氏鼎俎大福
所起

按史記伊尹負鼎俎以滋味說湯
致於王道

盡

升高登虛欲有望候駕之北邑與喜
相扶

無註

臨

用彼嘉賓政平且均螟蟲不作民得

安寧

無註

觀

桃夭少葉婚說宜家君子樂胥長利

止居

詩周南桃夭篇桃之夭夭灼灼其

華

噬嗑

東行失旅不知所處西歸無妃莫與

笑語

無註

賁

玩好亂目巧聲迷耳賊敗貞良君受
其咎

無註

剥

明德孔嘉萬歲無虧駕龍巡狩王得安所

唐虞天子五載一巡狩
戒四方諸侯曰各脩平乃守考乃
戢事無敢不敬

復

同本異葉樂仁上德東鄰慕義來興

吾國

無註

無妄

戴山崔嵬曰高無頽君主我德賜以

家國

無註

大畜

築室合懽千里無患周公萬年祐我
二人

周書洛誥曰我二人共貞公其以
予億萬年敬天之休

頤

養雞生雛畜馬得駒明堂太學君子
所居

無註

大過

雷行相逐無有休息戰於平陸爲夷
所覆

無註

坎

委蛇循河北至海涯涉歷要荒君世

無他

無註

离

鴻聲大視高舉神化背昧向明以道

福功

無註

咸

比目四翼來安吾國福喜上堂與我

同床

無註

恒

先穀彘季反謀桓子子從元帥遂行
挑戰爲荆所敗

先穀彘季晉臣名桓子晉荀林父
也魯宣公十二年楚子圍鄭晉師
救之荀林父將中軍先穀佐之及
河聞鄭與楚平桓子欲還彘子曰
不可曰子爲元帥師不用命誰之

罪也遂請挑戰晉師敗績

遯

三頭六足欲盜東國顏子在遯禍滅不成

無註

大壯

緣山升木中墜於谷子輿失勞黃鳥

哀作

詩黃鳥子車秦三良子輿即子車

晉

南有嘉魚駕黃取麟魴鯉
瀰瀰利來無憂

詩小雅南有嘉魚篇傳云嘉魚鯉
質鱒鯽肌出沔南之丙穴

明夷

邃氣作雲蒙覆大君塞聰蔽明殷人

賈傷

無註

家人

舉翅攄翼跂望南國延頸却縮未有

所得

無註

睽

坎中蝦蟆乍盈乍虛三夕二朝形消

無餘

無註

蹇

僮子射御不知所定質疑著龜孰知
所避國安土樂宜利止居兵寇不至
民無搔擾

著所以筮龜所以卜

解

陰淫寒疾水離其室舟楫大作傷害
黍稷民飢於食不無病厄

無註

損

離友絕朋巧言讒匿覆白汚玉顏叔
哀哭

未詳

益

童女無媒不冝動搖安其室廬傳母
何憂

無註

夬

作凶作患北檄困貧東與禍連傷我
老根

無註

遘

東南其戶風雨不處
瞻睨仁人父子
相保

無註

萃

被髮獸心難與比鄰
來如飄風去如
絕絃爲狼所殘

無註

升

天覆地載日月運照陰陽允作方內
四富

無註

井

桀亂無道民散不聚背室弃家君孤
出走

夏桀暴戾湯伐之放於南巢而死
革

申酉稷射陰慝萌作柯葭載牧泥塗
不白

無註

鼎

蹀踵足傷右指病瘍失旅後時利走
不來

無註

震

四足俱走驚疲在後戰既不勝敗於

東野

無註

艮

塗行破車醜女無媒莫適爲偶孤困

獨居

無註

漸

搏髀大笑不知憂懼開立大路爲主
所召

無註

歸妹

伯圭東行與利相逢出旣遭昧孰不
相知憂不成凶

無註

豐

東行賊家鄭伯失辭國無貞良居受
其殃

無註

旅

前屈後曲形體飭急絞黑大索困於
清室

無註

巽

鼓腋大喜行婚飲酒嘉彼諸姜樂我
皇考

無註

允

國將有事狐嘈向城三日悲鳴邑主
大驚

無註

渙

明德尅敏重華貢舉放勳徵用公括
蒙祐

書舜典曰若稽古帝舜曰重華協
于帝濬哲文明溫恭允塞玄德升
聞乃命以位放勳者總言堯之德
業也

節

秋隼冬翔數被嚴霜甲兵充庭萬物

不生雄父夜鳴民大擾驚

無註

中孚

絲紵布帛人所衣服摻摻女手紡績
善織南國饒足取之有息

無註

小過

鳳有十子同巢共母仁聖在位權以

相保與彼周魯

鳳靈鳥太平之世則見文王時鳴
於岐山魯周公之後

既濟

雄雞不晨雌鳴且伸志庇心離三旅
出哀

書牧誓牝雞無晨牝雞之晨惟家
之索

未濟

光祀春成陳寶雞鳴陽鳥失道不能
自守消亡無咎舉事不成自取凶咎
按秦紀索隱註曰漢書郊祀志云
文公獲若石云于陳倉北坂城祠
之其神來若雄雉其聲殷殷云野
雞夜鳴以牢祠之號曰陳寶又臣
瓚云陳倉縣有寶夫人祠歲與葉

君神會祭于此者也

三三巽下坎上井

躓跛未起失利後市不得鹿子

無註

之乾

左輔右弼金玉滿堂常盈不亡富如

教倉

無註

坤

雨師娶婦黃巖季子相呼而歸潤澤

田里

博物志曰太公爲灌壇令武王夢
婦人當道夜哭問之曰吾是東海
神女嫁於西海神童今爲灌壇令
當道廢我行我行必有大風疾雨
武王覺召太公問之果有疾風暴

雨從太公邑外過

屯

螟蟲為賊害我稼穡盡禾殫麥秋無所得

無註

蒙

跛躄難步遲不及舍露宿澤陂亡其襦袴

跋波上聲壁音壁

需

大夫行父無地不涉爲吾相土莫如
韓樂可以居止長安富有一云游行
諸國莫若居韓相土旣沃可以長安
詩韓奕詩云蹶父孔武靡國不到
爲韓媿相攸莫如韓樂

訟

少孤無父長失慈母悻悻熒熒莫與
爲福

無註

師

側弁醉客重舌作凶披髮夜行迷亂
相誤亡失居止一云醉客酩酊披髮
夜行迷亂失所安識第邑

詩賓之初筵是曰既醉不知其郵

側弁之俄

比

馬驚破處王孫沉溝身死魂去自爲
患害

無註

小畜

東行述職征討不服侵齊伐陳銜璧
爲臣大得意還

春秋魯僖公六年楚子圍許許男
面縛銜璧侵齊伐陳未詳

履

百足俱行相輔為強三聖翼事王室

寵光

三聖堯舜禹也

泰

本根不固華葉落去更為孤嫗

無註

否

牧羊稻園聞虎喧喧畏懼休息終無禍焉

無註

同人

履位乘勢靡有絕蔽為隸所圖與衆庶位

無註

大有

大輿多塵小人傷賢皇甫司徒使君
失家

詩十月之交云皇父卿士番維司
徒皆周幽王臣小人也卒至幽王
失國古文甫與父通用

謙

安和太山福祐屢臻雖有狼虎不能
危身

無註

豫

同氣異門各別東西南與凶遇北傷
其孫一云同氣異門一東一西兄弟
受禍子孫必凶

無註

隨

蜺見不祥禍起我鄉行人畏亡使命
不通一云行人畏懼邑客逃藏

蜺爾雅云縊女郭璞註小黑虫也

蠱

無事召禍自取災殃畜狼養虎必見
賊傷

無註

臨

順風吹火牽騎驥尾易為功力因權

受福

無註

觀

五嶽四瀆霑濡為德行不失理民賴
恩福

五嶽山名四瀆江河淮濟

噬嗑

延陵聰敏樂聽太史雞鳴大國姜氏
受福

按春秋傳延陵季子適魯觀樂於
太史詩齊雞鳴思賢妃也

賁

神鳥五色鳳凰為主集於王谷使君
得所一云國有禎祥鳳凰來集時稱

太平以後齊急

無註

剥

媒妁先明雖期不得齊女長子亂其
紀綱一云齊女長子失其紀綱雖有
先媒必竟不來

春秋桓公十八年公與夫人姜氏
如齊申繻曰女有家男有室謂之

有禮易此必敗

復

明月作晝大人失居衆星霄亂不知
所據

無註

無妄

少康興起誅澆復祖微滅復明大禹
享祀一云微滅却光享祀大禹

夏少康誅滅澆歸故都即位夏道

復興

大畜

千門萬戶大福所處黃屋左纛龍德
獨有

無註

頤

乾作聖男坤爲智女配合旣成長生

得所

無註

大過

羿張烏號彀舛驚狼鍾鼓夜鳴將軍
壯心趙國雄勇鬪死滎陽

羿后羿善射烏號弓名滎當作滎

坎

炙魚銅斗張伺夜鼠不忍香味機發

為崇崇在頸頭竿不得去

無註

离

高飛不視貪叨所在臭腐為患自害
躬身一云竊位貪榮內濁外清時時

暫遇日日禍生

無註

咸

鉛刀攻玉堅不可得單盡我力齒為疾賊

無註

恒

方啄宣口聖知仁厚釋解倒懸家國大安

方啄宣口前小畜之噬嗑作方喙廣口義通

遯

踟躕南北誤入喪國杜季利兵傷我

心腹

無註

大壯

公孫之政惠而不煩喬子相國終身
無患

喬當作僑公孫僑子產也相鄭國

有惠政

晉

弧矢大張道絕不通小人寇賊君子
壅塞

無註

明夷

藏戟之室封豕受福充澤肥脂子孫
蕃息

無註

家人

八子同巢心勞相思雖苦無憂

無註

睽

循理舉手舉求取予六體相摩終無

咎殃

無註

蹇

王子公孫把絃攝丸發輒有獲家室
饒足

無註

解

井者有悔渴蜺為怪不亟徙鄉家受
其殃

無註

損

鄭會細 國亂失頃弘明早見止樂

不聽

未詳

益

穿室鑿墻不直生訟褰衣涉露雖勞

無功

無註

夫

脫卸免乳長大成就君子萬年動有利得

無註

溝

五心乖離各引是非莫適為主道路
塞壅

無註

萃

百柱載梁千歲不僵大願輔福文武
以昌

武王勝殷封同姓諸侯以輔周室
升

營城洛邑周公所作世逮三十年歷
七百福祐封實堅固不落

周公作洛邑定鼎於郊鄩卜曰傳

世三十歷年七百出史記

困

牛耳聾蔽不曉聲味委以鼎俎方始

亂潰

無註

革

從叔旅行食於東昌嘉伯悅喜與我

芝香

無註

鼎

訾媿開門鶴鳴彈冠文章進用舞韶
和鸞三仁翼翼政國無災殃

韶舜樂名和鸞皆鈴也在軾曰和
在鑣曰鸞車馬之飾也訾陬開門
未詳

震

遊魂六子百木所起三男從父三女
隨母至已而反各得其所

易乾坤生六子乾父坤母三男震
坎艮三女巽離兌又曰遊魂為變
百木所起至已而反未詳

艮

南山藺蒞使君媚好皇女長婦多孫
衆子

蘭當作蘭春秋鄭文公有妾曰燕
姑夢天與之蘭曰蘭有國香人服
媚之既而文公見之與之蘭而御
之生穆公名之曰蘭

漸

黃虹之野賢君在位榮段爲相國無
災殃

賢君謂齊桓公榮段前卦作管叔

蓋管叔桓公以霸諸侯之事

歸妹

穿鑿道路為君除舍開闢福門喜在
我隣

無註

豐

商風數起天下昏晦旱魃為虐九土
兵作

商傷也其氣適勁彫落萬物

旅

自衛歸魯時不我與冰炭異室仁道

隔塞

孔子當周之季自衛反魯

巽

原本空文

兌

六蛇奔走俱入茂草驚於長注畏懼

啄口

無註

節

避蛇東走反入虎口制於爪牙骨爲

灰土

無註

中孚

項迭不行弱足善僵孟執系無良失其
寵光

春秋魯昭公二十年齊豹盜殺衛
侯之兄孟執琴張將往吊之仲尼
曰齊豹之盜孟執系之賊汝何吊焉

小過

十羊俱見黃頭為首歲美民安國樂

無咎

無註

既濟

望風入門來到我隣
舖吾養均

無註

未濟

登高車反視天彌遠
虎口不張害賊

消亡

無註

易林卷第十二

易林卷第十二